



PAFLAR



**11 سؤال**  
باش نفهم شنو التهاب المفاصل  
الشبابي مجهول السبب

**نعم!**

**9- هل التهاب المفاصل الشبابي مجهول السبب ولا دواياته يسببوا ضيق النفس؟**

إنجمو نلاحظو ضيق النفس في حالة فمّا فقر دم مرتبط بالتهاب. وفي حالات نادرة، نوعية معينة من التهاب المفاصل الشبابي مجهول السبب ولا دواياته معينة إنجموا يكونوا سبب في تلف الرئة الي هو يسبب ضيق النفس.

**نعم!**

**10- هل التهاب المفاصل الشبابي مجهول السبب يسبب ضعف النظر؟**

أغلبية أنواع التهاب المفاصل الشبابي مجهول السبب تسبب التهاب القرنية الي هو يسبب ضعف النظر إذا كان نخليوه من غير دواء. التهاب القرنية هذا إنجم هذا يكون عبارة عن عين بيضاء (تتجلى كان في ضعف النظر) ولا عين حمراء وتوجع.

**11- شنيّا المظاهر الي تتطلب استشارة عاجلة وقت الي يكون عندنا التهاب المفاصل الشبابي مجهول السبب؟**

فمّا بعض المظاهر المرتبطة بالتهاب المفاصل الشبابي مجهول السبب ولا دواياته تتطلب استشارة طبية عاجلة، كيما:  
· ضعف النظر الي إنجم يكون ناتج عن التهاب القرنية الي لازم يتداوى فيسع.  
· سخانة عالية الي تنجم تكون ناتجة عن التعفن خاصة في حالة استعمال العلاج المثبط للمناعة.  
· وجيعة حادة في المعدة الي تنجم تكون ناتجة عن مضاعفات الدواء (القرح والتهاب المعدة وغيرهم) ولا عن التعفن.  
· ضيق النفس الي إنجم يكون ناتج عن فقر الدم ولا التعفن ولا مضاعفات بعض الدوايات.  
· طفح جلدي الي إنجم يكون مرتبط بحساسية من الدواء.  
· أي علامة موش عادية تظهر وقت استعمال العلاج المثبط للمناعة

**شنة إلي  
بيكيني**



## كيفاش يظهر التهاب المفاصل الشبابي؟ مجهول السبب (AIA)

### 5- شنيًا الأعراض الأولى لالتهاب المفاصل الشبابي مجهول السبب؟

التهاب المفاصل الشبابي مجهول السبب يلمّ سبعة أمراض. العلامات الأولى هي التهاب المفاصل التي يسبب وجيعة و/ولا نفاخ في المفاصل وتكون مصحوبة بتصلب المفاصل في الصباح، معناها فترة تتراوح من بضع دقائق حتى بضع ساعات تكون فيها المفاصل متصلبة وتوجع. بالنسبة لالتهاب المفاصل الشبابي مجهول السبب نوع تصلب العمود الفقري، الوجيعة تتجمّ تكون في المفاصل ولا في العمود الفقري ولا في نقطة ارتكاز (كيما قَدَم السَّاق) ولا الظهر اللوطا و/ولا المؤخرة. حسب نوعية المرض، تتجمّ تكون فمًا مظاهر أخرى خارج المفصل، كيما: السخانة، وجيعة في العين، حمورية في العين، انخفاض حدة النظر، الإسهال، الصدفية وغيرهم.

**نعم!**

### 6- هل التهاب المفاصل الشبابي مجهول السبب ينجم بسبب التعب؟

التهاب المفاصل الشبابي مجهول السبب ينجم بسبب التعب وقت التي يكون المرض نشط والمفاصل محيرة. ويمكن يولي سبب في الخروج من المدرسة كي تطوال المدّة. التعب ينجم يكون زادا سبب في القلق والتوتر، وهذه حاجة تتطلب لهوة خاصة.

**نعم!**

### 7- هل التهاب المفاصل الشبابي مجهول السبب يسبب طفح جلدي؟

التهاب المفاصل الشبابي مجهول السبب ولا دواياته ينجموا يسببوا طفح جلدي. إنجموا نلاحظوا طفح جلدي مختلف حسب نوعية التهاب المفاصل الشبابي مجهول السبب. ينجم يكون في شكل بقع وردية صغيرة في وقت ذروة السخانة ولا في شكل الصدفية. الطفح الجلدي ينجم يكون واحد من الآثار الجانبية لأغلبية الدوايات التي نستعملوهم باش نداويو التهاب المفاصل الشبابي مجهول السبب، والطفح الجلدي هذا لازمه تقييم طبي عاجل.

**نعم!**

### 8- هل التهاب المفاصل الشبابي مجهول السبب ولا دواياته يسببوا وجيعة في الكرش؟

قليل وين يسبب التهاب المفاصل الشبابي مجهول السبب بيدو وجيعة في الكرش. أما الدوايات التي نستعملوهم باش نداويو التهاب المفاصل ينجموا يسببوا وجيعة في الكرش، بما في ذلك مضادات الالتهاب غير الستيرويدية والميثوتريكسيت. المريض لازم يستشير طبيب فيسع وقت التي يحس بوجيعة كبيرة ولا وجيعة معاها إسهال مستمر ولا يضعف برشا.

## علاش انا؟

### 1- شنيًا الحاجات التي تسبب التهاب المفاصل الشبابي مجهول السبب (AIA)؟

مازلنا ما نعرفوش حتى لليوم شنيًا الحاجات التي تسبب مرض التهاب المفاصل الشبابي مجهول السبب، وهذاا علاش اسمه «مجهول السبب». التهاب المفاصل الشبابي مجهول السبب عنده برشا عوامل، كيما: الاستعداد الوراثي (كي يتولد، المريض يكون عنده اختلافات في جيناته تخليه أكثر عرضة لخطر الإصابة بالمرض مقارنة بشخص آخر)، وفمًا زادا عوامل أخرى (كيما التعفن والعوامل البيئية وغيرهم). وهذا يسبب خلل في جهاز المناعة يؤدي إلى التهاب في المفاصل وحتى في أعضاء أخرى (كيما العين والجلد وغيرهم).

**لا!**

### 2- هل التهاب المفاصل الشبابي مجهول السبب وراثي؟

التهاب المفاصل الشبابي مجهول السبب ماهوش مرض وراثي. لا يمكن أن ينتقل بشكل مباشر من المريض لصغارًا فما بعض العوامل الوراثية التي تخلي العبد عرضة للإصابة بالمرض هذا.

**لا!**

### 3- هل التهاب المفاصل الشبابي مجهول السبب ناتج عن نوعية الماكلة؟

التهاب المفاصل الشبابي مجهول السبب ما ينجمش يكون ناتج عن ماكلية معينة. استبعاد منتجات الحليب والجلوتين حاجة زائدة ومضرة لنمو الهيكل العظمي عند الصغار. اتباع نظام غذائي صحي ومتوازن يضمن أحسن نمو وزيادة وزن عند الصغار.

**لا!**

### 4- هل التهاب المفاصل الشبابي مجهول السبب ناتج عن التلقيح؟

التهاب المفاصل الشبابي مجهول السبب ما ينجمش يكون ناتج عن تلقيح. بالعكس، الحصول على لقاحات معينة حاجة مهمّة بشكل خاص على خاطر التهاب المفاصل الشبابي مجهول السبب ودواياته ينجموا يضعفوا جهاز المناعة.

